

## Ovra Solara Magriel Contract en dretg da baghegiar

Communicaziun ufficiala dallas Penderas Mustér SA

**Cun ina participaziun da 40% vid l'interpresa nova, l'Ovra Solara Magriel SA, sustegnan las Penderas Mustér SA cumpleinamein la realisaziun dall'Ovra Solara Magriel.**

Las Penderas Mustér vulan metter clar che entginas pretensiuns ella brev da lecturs cumparida ella Quotidiana ein vegni interpretai falliu. Oravontut ei vegniu informau che la surfatscha seigi vegnida in ton pli gronda che presentau ella votaziun all'urna dils 22 d'october 2023. Quei constat aschia buca. Entras il schurmetg d'ina paliu ha stuiu vegnir fatg entginas dislocaziuns, las qualas han denton negin'influenza sin la vesta generala dil project. Era ei vegniu menziunau che la vischnaunca survegni mo in'indemisaziun annuala da 40'000.-- e buca frs. 100'000.--. Era quei constat buca. Ina tala indemnisaziun s'effectuaus mo el cass ch'ils prezis d'energia sereduccessen considerablamein. En aschia in scenari, ch'ei strusch pli pusseivels, stuessen lu denton era las casadas puspei vegnir levgiadas finzialmein entras in prezi pli favoreivel.

Entras la participaziun dallas Penderas Mustér SA da 40% vid la nova Ovra Solara Magriel SA ed il sez dalla vischnaunca el cussegl d'administraziun vegn garantiu che buca mo concerns gronds dalla bassa, mobein ch'ei vegn cunzun priu localmein las decisiuns necessarias.

Ulteriuras raschuns da sustener il project Ovra Solara Magriel:

- Nus sustenin la strategia dalla Svizra da promover e d'augmentar las energias regenerablas, per aschia garantir il provediment d'electricidad era igl unviern.
- Las Penderas Mustér vulan seposiziunar cun quei project innovativ el futur sco fatschenta cun atgna produczion d'energia electrica schubra.
- Il territori da skis che vegn gia oz nezegiaus turisticamein ei optimal per realisar in tal stabiliment cun risguardar tenor meglier saver e puder ils facturs ecologics, sco fauna e flora.

**Las Penderas Mustér SA appelleschan a votantas e votants da sustener il project, per aschia vegnir in pass pli datier alla produczion d'energia electrica schubra.**

Engraziel fetg  
Penderas Mustér SA

Marcus Weber, president  
Stefan Arnold, directur